


王焱
編

日本漢文學百家集

405



北京燕山出版社



王焱 主編

日本漢文學百家集
405



北京燕山出版社

第四〇五册

退省詩集 卷一至卷八 林確軒著 文政八年

.....

—

退省詩集

一之二

退省詩集一

詠懷

賈生年十八才調最不群
起越登要路獻策奉
明君壯志悵不已立欲建功勲
絳灌忌文吏遠
遷長沙濱雖是當時勢
千年恨紛紛予亦坐有
感白曰望青雲盃酒興更好
卷中又論文

春日偶成

九陌春風車馬行
五侯策宅靜年芳
無人道入
登聞院城鼓報時日正長

公退

落落公門竦處尊
參差碧瓦鳳飛騫
非無紫氣射人目
應有銀河涵御恩
宣政衣冠唐日月
建章宮殿漢乾坤
昔曾馬正取天下
制禮今能見叔孫

偶作

身勞恰類歌于役
才拙何當賦遂初
一寸丹心猶魏闕
朝朝看鏡整衣裾

除日立春

此夕歲方盡
茲辰氣正悠
南山護社稷
北斗懸城樓
風暖萬年律
臘殘一夜籌
國無荆楚俗
朝

有漢唐流獻頌才猶拙祭詩身便休忽乘陽和
力隨意撻春牛

奉和豐州牧丹治直重君元日詣

常憲公之廟詩

花鳥春來心事空
衣冠猶拜茂陵中
山光潭影此俱寂
悵望青天時倚風

、猪日之夜陪前殿賀宴

環佩隨行陪夜筵
春遊御氣入初年
屏間銀燭風煙動
座上金樽霞靄懸
雲接殿樓聞舜樂
雪連宮闕戴堯天
微臣還似犯牛斗
幾歲已知思

澤偏

人日作

東風輕動靄春暉
人日金城煙正飛
氣暖御園啼鳥囀
雲晴晝漏賀臣歸
田郎才拙非頭柱
郤氏官微未拂衣
草樹新年多雨露
朝回時復想山薇

移居

無功爭禁去親闈
此日移居生事微
正自平生書劍在
登樓詞賦似思歸

春夜

春夜沉沉月正來悠然情景此徘徊詩書漫比
揚雄宅睥睨唯慚劉表臺官跡風塵懷舉扇生
涯歲月負看梅西牕幽賞吟無盡乘興還停濁
酒盃

和田長房詩以賀予移居漫次其韻

堂成此日樂青天正是向來書劍傳屋上春雲
情不盡簾前暮色望空連詞章休說屈平卜道
學深慚孟氏遷醉後吾生無一事茶煙輕颺汲
愚泉

寓懷

已矣吾生何日休春亭盃酒暫悠悠文章驚世
事猶懶劍佩立朝誰與儔十歲功名慚薄祿五
湖風色起漁舟感時聊發藪門嘯檻外江雲獨
自愁

上巳

春冷桃花全不開漫因上巳一啣盃
裁蘭湘水此新築曳履藻庭猶舊來
心折塵埃無氣色詩成風雨有樓臺
黃昏轉自驚佳節日日年華空
又催

、豐牧丹治直重君休暇于采邑下館城賦

詩奉送

賜環元自異常官
此去褰帷風不寒
征隊新看都督
旣殊恩
舊戴侍中冠
襄陽千古人懷甚
河內半年民借難
遙憶庾樓高興好
欲隨清宴路漫漫

即事

人生多感慨
憑酒氣悠悠
鐘鼓催朝暮
青年不可留

奉和弘毅齋君新綠勝花之詩

斗酒年年醉
賞中看花唯是萬人同
知君不愛

繁華色高興披襟綠樹風

、森林皆有擬登岳陽樓之詩予亦因作

白雲明月洞庭邊吹笛樓頭直欲縱天末煙波
三峽沒海門風雨九江連千秋禹蹟中原色一
夜湘靈萬古憐悵望長沙堪淚賈生此地昔

曾遷

、偶懷寄信如

世事雲千里生涯酒一盃歌成風颯至碁罷鳥
飛來唯是功名薄何能懷抱開憑軒驚壯志結
髮願奇才嘆鳳應全未登龍安在哉武昌明月

夜乘興幾徘徊

書懷二首

書劍頻年夢亦勞
畏途歲月感吾曹
潏臣顛柱心徒切
鄴士登樓興轉豪
萬事動嗟今古過
千秋空見斗牛高
行藏信有堪藜杖
不若平生醉濁醪

敲碎玉壺歌調勞
青雲千里望來高
江樓笛裏幾年恨
風雨樽前一夜豪
多病自憐須藥物
故人誰識贈綈袍
非關勲業不遲暮
苦易安仁變鬢毛

武藏坊辨慶讀勸進帳圖

富樫關門北控牢海山渺渺動風濤鳥飛天地
翼隨鷗龍射斗牛光繞刀萬里雄悲且切一
生豪氣死猶高孟嘗能養三千士幸有鷄鳴出
爾曹

所思

醉來意氣入彈冠陰雨江頭天色寒過眼百年
幾俊傑誤身萬古多儒官西山歌曲聊堪調北
斗光華不忍看日暮琴臺雲尚在一生襟抱坐
長嘆

季夏某夜會于字軒得門字

風自吹簾月滿門清談一榻得同論豪遊延客
孔文舉甄拔知人山巨源紫氣天流唐殿閣白
雲秋近漢乾坤賦成猶有登高意此夕偏銷萬
里魂

病中和義樹詩韻

病餘氣象不飛揚細葛夜深風轉涼莫使才名
知宋玉且將踈懶比嵇康賦中秋卷動明月盃
裏襟懷對夕陽倚檻時思遊俠侶笙歌清冷白
雲長

漱金陵懷古

一壑淒然自古丘
雄圖曾是帝王州
黃金氣盡秦淮戍
玉樹歌殘吳楚秋
薊北風塵亡國恨
汙南涕淚美人愁
徘徊莫問六朝事
寒雨蕭蕭滿石頭

楠氏遺言于其子圖贊

楠氏勤王力
逢窮死斯身
誠兒忠與孝
斯兒又不倫
唯看青松樹
終無如是人
嗚呼楠氏子
千歲淚沾巾

七夕